

**“Олмалик КМК” АЖ
Кузатув кенгашининг
2022 йил “12” июлдаги
17- сон баённомаси билан
“ТАСДИҚЛАНГАН”**

**“Олмалик КМК” АЖ
Кузатув кенгашининг
Коррупцияга қарши курашиш ва
этика қўмитаси тўғрисидаги
НИЗОМ**

1-боб. Умумий қоидалар

Ушбу Низом Ўзбекистон Республикаси Президентининг 2022 йил 8 апрелдаги “Тадбиркорлик муҳитини яхшилаш ва хусусий секторни ривожлантириш орқали барқарор иқтисодий ўсиш учун шарт-шароитлар яратиш борасидаги навбатдаги ислохотлар тўғрисида”ги ПФ-101-сон Фармони ўн бешинчи бандига мувофиқ ишлаб чиқилган бўлиб, “Олмалиқ кон-металлургия комбинати” АЖ Кузатув кенгашининг **Коррупцияга қарши курашиш ва этика қўмитасини** ташкил этиш ва унинг фаолиятини тартибга солади.

1. “Олмалиқ кон-металлургия комбинати” АЖ Кузатув кенгашининг Коррупцияга қарши курашиш ва этика қўмитаси (кейинги ўринларда — Қўмита деб юритилади) Комбинат ижро аппаратидаги барча бўлинмалар, тизимдаги корхоналар раҳбар ходимлари, шу жумладан Бошқарув аъзолари (кейинги ўринларда — Комбинат ходимлари деб юритилади) томонидан “Олмалиқ кон-металлургия комбинати” акциядорлик жамиятининг “Коррупцияга қарши курашиш Сиёсати”, “Олмалиқ КМК” акциядорлик жамияти раҳбариятининг ҳамда ходимларининг Одоб-ахлоқ Кодекси”, “Олмалиқ КМК” акциядорлик жамияти ва унинг тизимида манфаатлар тўқнашувини бошқариш тўғрисида Низом”, “Олмалиқ КМК” акциядорлик жамияти ва унинг тизимидаги корхоналарда контрагентларни текширишга оид Йўриқнома”, “Олмалиқ КМК” АЖ ижро аппарати ва унинг тизимидаги корхоналарга ишга қабул қилинаётган номзодларни текшириш бўйича Йўриқнома”, “Олмалиқ КМК” АЖ ва унинг тизимидаги корхоналар ходимлари томонидан коррупциявий хатти-ҳаракатларни содир этиш ва хизматдаги одоб-ахлоқ қоидаларини бузиш ҳолатлари юзасидан хизмат текширувларини ўтказиш тартиби тўғрисидаги Регламент” қоида ва талабларига риоя этилишини назорат қилиш билан боғлиқ масалаларни кўриб чиқиш мақсадида тузилади.

2. Қўмита фаолияти Ўзбекистон Республикасининг Конституцияси, “Коррупцияга қарши курашиш тўғрисида”ги, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, “Давлат харидлари тўғрисида”ги қонунлари, Ўзбекистон Республикасининг амалдаги бошқа қонунларига, “Олмалиқ КМК” АЖнинг Устави, “Олмалиқ КМК” АЖнинг Кузатув кенгаши тўғрисида”ги Низом, ушбу Низом ҳамда Комбинатнинг коррупцияга қарши курашиш соҳасидаги бошқа ҳужжатларга мувофиқ амалга оширилади.

3. Қўмита, “Олмалиқ кон-металлургия комбинати” АЖ Кузатув кенгашининг ваколатлари муддатига Кузатув кенгашининг қарори билан кенгаш аъзолари орасидан Қўмита раиси ва аъзоларини қўшганда уч кишидан иборат тоқ сонли таркибда тузилади.

Қўмита фаолиятига Кузатув кенгашининг раиси (кейинги ўринларда — Кенгаш деб юритилади) шахсан раҳбарлик қилади, унинг таркибига Кенгаш аъзоларидан юриспруденция, иқтисодиёт, молия, солиқ, аудит, ахборот-коммуникация технологиялари, тоғ-кон ишлари, геология, металлургия ҳамда Қўмита

зиммасига юклатилган вазифаларни амалга ошириш учун зарур бўлган бошқа соҳалар бўйича салмоқли тажрибага эга, Кенгаш аъзолари ҳамда Комбинат ходимлари ўртасида юксак обрў-эътиборга сазовор бўлган иборат таркибда шакллантирилади.

4. Қўмита аъзоларининг сони ва шахсий таркиби Кузатов кенгашининг қарори билан ўзгартирилиши мумкин.

5. Қўмита фаолияти Кузатов кенгашининг қарори билан муддатидан илгари тўхтатилиши мумкин.

2-боб. Қўмитанинг ваколатлари

6. Қўмита ўз ваколатлари доирасида:

“Олмалиқ КМК” акциядорлик жамияти ва унинг тизимида коррупцияга қарши комплаенс назорат тизимини жорий этишга оид ички норматив ҳужжатлар ишлаб чиқирилишини, заруратга кўра Кузатов кенгаши ёхуд Бошқарув раиси томонидан тасдиқланиши, жорий этилиши ва ижросини назорат қилади;

Қўмита фаолиятига доир масалалар юзасидан Кузатов кенгашининг қарорлари лойиҳаларини ишлаб чиқишни ташкил қилади;

Комбинат раҳбар ходимлари томонидан “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатлар қоидаларига, шунингдек умумий қабул қилинган одоб-ахлоқ нормаларига риоя этилишига оид масалаларни кўриб чиқади ва кўриб чиқиш натижалари бўйича хулосалар тайёрлайди, қоидаларга риоя этилиши устидан мониторингни амалга оширади;

Комбинат ходимлари ўртасида коррупциявий қоидабузарликларнинг олдини олишга қаратилган комплекс чора-тадбирларни, йўл хариталарини, дастурлар лойиҳаларини тасдиқлаш учун Кузатов кенгашига тақдим этади;

Комбинатнинг бошқарув аъзолари, тизимдаги корхоналар раҳбар ходимлари, шунингдек ижро аппаратидаги бўлинмалар раҳбар ходимлари томонидан умумий қабул қилинган ахлоқ нормаларини, “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатлар қоидаларини бузадиган, Комбинат ходимлари обрўсини тўкадиган ва Комбинатнинг ишчанлик обрўси ва нуфузига путур етказадиган хатти-ҳаракатлар содир этилганлиги билан боғлиқ ишларни, мурожаатларни ўз мажлисларида кўриб чиқади;

жисмоний ва юридик шахсларнинг Комбинат бошқаруви аъзолари, тизимдаги корхоналар раҳбар ходимлари, шунингдек ижро аппаратидаги бўлинмалар раҳбар ходимларнинг хатти-ҳаракатлари устидан қилган муурожаатларини кўриб чиқади;

Комбинат ходимларининг қонун ҳужжатларида ҳамда ички норматив ҳужжатларда назарда тутилган ўз ваколатларини амалга ошириши чоғида давлат органлари ва уларнинг мансабдор шахслари томонидан Комбинат ходимларининг ҳуқуқлари, эркинликлари ва қонуний манфаатлари бузилишлари ҳақидаги аризаларини кўриб чиқади;

Комбинат ходимларининг шаъни ва кадр-қимматини ҳимоя қилиш ҳамда Комбинат ходимлари фаолиятининг бошқа кафолатларини таъминлаш билан боғлиқ масалаларни кўриб чиқади;

Комбинатнинг коррупцияга қарши курашиш бўйича комплаенс-назорат тизимини тартибга солишга йўналтирилган ички норматив ҳужжатларини такомиллаштириш юзасидан таклифлар ишлаб чиқади;

Комбинат бошқарув аъзолари, тизимдаги корхоналар раҳбар ходимлари, шунингдек ижро аппаратидаги бўлинмалар раҳбарлари томонидан “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатларга риоя этилиши ҳолатини ўрганиб чиқиб, унинг натижалари ҳақида Кузатув кенгашига ҳисобот тақдим қилади;

Комбинат бошқарув аъзолари ва тизимдаги корхоналар раҳбарларининг ваколатларини муддатидан илгари тугатиш, ишдан бўшатиш, ротация қилиш, хизмат текшируви натижасига кўра аниқланган ҳужжатлар тўпламини ҳуқуқни муҳофаза қилиш органларига қонуний чора кўриш учун юбориш тўғрисидаги материалларни Кузатув кенгашига кўриб чиқиш ва қарор қабул қилиш учун тайёрлайди;

Прокурорнинг тақдимномаси бўйича Бошқарув аъзоларини жиноий жавобгарликка тортиш, ушлаб туриш, қамоққа олиш ёки унга суд тартибида бериладиган маъмурий жазо чораларини қўллашга розилик бериш тўғрисидаги материалларни Кузатув кенгаши аъзоларига кўриб чиқиш учун тайёрлайди;

Кузатув кенгашининг мажлисида ўз ваколатига кирадиган масалалар юзасидан Қўмита ҳулосасини тақдим этади;

Ўзининг кўриб чиқиши учун киритилган масалаларни ҳал этиш учун Қўмита мажлисларига экспертлар ва мутахассисларни таклиф этади;

Комбинат бошқаруви аъзолари, тизимдаги корхоналар раҳбар ходимлари, шунингдек ижро аппаратидаги бўлинмалар раҳбарлари томонидан “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги

бошқа ички норматив ҳужжатларда белгиланган қоида ва талаблар бузилган тақдирда, бундай ходимлар тўғрисидаги зарур ахборотни сўраб олади;

Қўмита, Акциядорлар умумий йиғилиши ҳамда Кузатув кенгашининг қарорларига, шунингдек ушбу Низомга мувофиқ бошқа ваколатларга ҳам эга бўлиши мумкин.

7. Комбинатнинг коррупцияга қарши курашиш бўйича ички назорат тузилмаси “Комплаенс-назорат хизмати” Қўмитанинг ишчи органи ҳисобланади.

Комплаенс-назорат хизмати Қўмитанинг фаолиятини самарали ташкилий-услубий қўллаб-қувватлаш, шу жумладан Комбинатнинг коррупцияга қарши курашиш йўналишидаги иш режаларини ишлаб чиқиш ва уларнинг амалга оширилиши устидан назорат қилиш, шунингдек, Комбинатнинг бошқарув органлари, тизимдаги корхоналар ва бўлинмаларнинг раҳбарлари томонидан Кузатув кенгаши ва Қўмита томонидан қабул қилинган қарорларнинг ижросини ташкил этишни таъминлайди.

8. Қўмита, ўз фаолиятини амалга оширишда вазирлик ва идоралар, маҳаллий ҳокимият органлари, ҳуқуқни муҳофаза қилиш органлари ва бошқа органлар, мансабдор шахслар ва жамоатчилик ташкилотлари билан ҳамкорлик қилади.

9. Қўмита масалаларни Акциядорлар умумий йиғилиш ёки Кузатув Кенгашининг топшириғига биноан ўз ваколатлари доирасида кўриб чиқади.

3-боб. Қўмита ишини ташкил этиш

10. Қўмита мажлислари заруратга қараб ўтказилади.

Қўмита мажлислари очик тарзда ўтказилади. Зарур ҳолларда Қўмита ёпик мажлис ўтказиш тўғрисида қарор қабул қилиши мумкин.

11. Қўмита мажлисини Қўмита раиси, у йўқлигида эса, унинг топшириғига асосан Қўмита раисининг ўринбосари ёки Қўмита аъзоларидан бири олиб боради. Қўмита мажлисида баённома юритилади, уни мажлисда иштирок этган Қўмита аъзолари имзолайдилар.

12. Қўмита мажлислари, агар уларда Қўмита аъзолари умумий сонининг камида учдан икки қисми ҳозир бўлса, ваколатлидир.

13. Қўмитанинг келгуси мажлиси тўғрисида унинг раиси Қўмита аъзоларига ёзма равишда, қоида тариқасида, камида уч сутка аввал хабар қилади, шунингдек мажлиснинг бошқа иштирокчиларини ҳам олдиндан хабардор этади.

14. Қўмита кўриб чиқиладиган масалалар юзасидан қарорларни Қўмитанинг кўпчилик овози билан қабул қилади. Қўмита қарорини унинг мажлисида раислик қилувчи имзолайди.

15. Қўмита раиси:

Қўмита ишини ташкил этади;

Қўмита мажлисларини чақиради ва ўтказди;

Қўмита аъзоларига топшириқлар беради;

вазирлик ва идоралар, маҳаллий ҳокимият органлари, ҳуқуқни муҳофаза қилиш органлари, бошқа органлар, мансабдор шахслар ва жамоатчилик билан муносабатларда Қўмита номидан иш кўради;

Акциядорлар умумий йиғилиши ҳамда Кузатув кенгашининг мажлисларида Қўмита фаолияти тўғрисидаги ахборот билан сўзга чиқади;

ҳар йили Акциядорлар умумий йиғилиши ҳамда Кузатув кенгашига Қўмита фаолияти тўғрисида ҳисобот тақдим этади.

16. Қўмита аъзоси Қўмита мажлисида шахсан ҳозир бўлиши ва ўзига юклатилган мажбуриятларни виждонан ва сидқидилдан бажариши шарт.

Қўмита аъзоси Қўмита мажлисида ҳозир бўлиш имкони бўлмаганда Қўмита раисини олдиндан хабардор этиши шарт.

17. Қўмита аъзоси:

Қўмита томонидан кўриб чиқиладиган барча масалалар бўйича овоз беришга;

Қўмитанинг кўриб чиқиши учун мажлис кун тартибига масалалар ва таклифлар киритишга;

қарорлар тайёрланишида, муҳокамасида, қабул қилинишида, шунингдек уларнинг амалга оширилишини ташкил этиш ҳамда бажарилишини назорат қилишда иштирок этишга;

кўриб чиқилаётган масалага доир ҳужжатлар, маълумотномалар ва бошқа зарур ахборот билан танишиб чиқишга;

Қўмита қарорига рози бўлмаган тақдирда ўз нуқтаи назарини баён этишга ҳақли.

Қўмита аъзоси ушбу Низомга мувофиқ бошқа ҳуқуқларга ҳам эга бўлиши мумкин.

4-боб. Коррупцияга қарши курашишга оид қонун ҳужжатлари ҳамда Комбинатнинг бошқа ички норматив ҳужжатларидаги талаб ва қоидаларнинг бузилишига оид масалаларни кўриб чиқиш тартиби

18. Қўмита Комбинат бошқаруви аъзолари, тизимдаги корхоналар раҳбар ходимлари, шунингдек ижро аппаратидаги бўлинмалар раҳбарлари томонидан “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатларнинг қоида ва талаблари бузилиши билан боғлиқ масалаларни:

Кузатув кенгашининг топшириғига биноан;

Комбинат ходимларининг, шунингдек жисмоний ва юридик шахсларнинг мурожаатларига биноан;

Комбинатнинг коррупцияга қарши курашиш бўйича Комплаенс-назорат тузилмасининг мурожаатларига биноан;

ўз ташаббуси билан кўриб чиқади.

Жисмоний ва юридик шахсларнинг мурожаатлари қонун ҳужжатларида белгиланган тартиб ва муддатларда кўриб чиқилади.

19. Ўзига нисбатан масала кўриб чиқиладиган Комбинат ходими ўзининг ҳуқуқи, шаъни, қадр ва қиммати, ишчанлик обрўсига даҳл қиладиган асосиз ариза (туҳмат ёхуд ҳақорат қилиш) тақдим этилган тақдирда амалдаги қонун ҳужжатларига мувофиқ ўз ҳуқуқ ва эркинликларини ҳимоя қилишга ҳақли.

20. Қўмита мажлисига, ҳақиқий ҳолатларни аниқлаш ва ҳолисона қарор қабул қилиш мақсадида, ўзига нисбатан масала кўриб чиқиладиган Комбинат ходимлари, зарур бўлган ҳолларда эса, аризачилар ва бошқа шахслар таклиф этилади. Қўмита мажлисининг вақти ва жойи ҳақида тегишли равишда хабардор этилган шахсларнинг келмаслиги аризани ёки шикоятни, Кузатув кенгашининг топшириғини кўриб чиқиш учун тўсқинлик қилмайди.

21. Қўмита мажлисида:

қонун тартибидаги масала ўқиб эшиттирилади;

Кузатув кенгашининг топшириғи, Комбинат ходимларининг, шунингдек жисмоний ва юридик шахсларнинг мурожаатлари, Комбинатнинг коррупцияга қарши курашиш бўйича Комплаенс-назорат тузилмасининг мурожаати мазмуни ёхуд ўз ташаббуси билан киритилган хабар ўқиб эшиттирилади;

“Олмалиқ КМК”АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатларининг қоида ва талаблари бузилганлиги тўғрисида ўзига нисбатан шикоят ёки ариза тушган Комбинат ходимлари, зарур бўлган ҳолларда эса, аризачи эшитилади.

22. Комбинат ходимлари Қўмитага ўз ҳуқуқлари, шаъни ва қадр-қимматининг ҳимояси учун мурожаат, таклиф ва шикоят шаклида материаллар ҳамда бошқа шаклдаги ахборотни тақдим этишга ҳақли.

23. Кузатув кенгашининг топшириғи асосида мурожаат ҳужжатлари билан танишиб чиқиш яқунлари бўйича Қўмита, Комбинат ходимларининг хатти-ҳаракатларида “Олмалиқ КМК”АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатлар қоида ва талаблари бузилганлиги фактининг мавжудлиги тасдиқланган ҳолатда, ушбу

ходим (ходимларга) нисбатан аниқ таъсир кўрсатиш чораларини кўрсатган ҳолда ёхуд Комбинат ходимларининг хатти-ҳаракатларида қоида ва талаблар бузилиши фактининг мавжуд эмаслигини белгилайди.

24. Комбинат ходимлари томонидан “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатларнинг қоида ва талаблари бузилганлиги факти аниқланган тақдирда, Қўмита:

Комбинат ходимларига нисбатан огоҳлантириш тарзидаги таъсир кўрсатиш чорасини қўллаш тўғрисида;

Кузатув кенгашига Комбинат бошқарув аъзолари ва тизимдаги корхоналар раҳбарларининг ваколатларини муддатидан илгари тугатиш, ишдан бўшатиш, ротация қилиш, хизмат текшируви натижасига кўра аниқланган ҳужжатлар тўпламини ҳуқуқни муҳофаза қилиш органларига қонуний чора кўриш учун юбориш тўғрисида таклиф киритиш ваколатига эга.

25. Комбинат бошқарув аъзолари ва тизимдаги корхоналар раҳбарларининг хатти-ҳаракатларида “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатларнинг қоида ва талаблари бузилганлиги фактининг мавжуд эмаслиги аниқланган тақдирда, бундай мурожаат бўйича ходимга нисбатан тегишли жазо чоралари қўлланмайди.

26. Қўмита қабул қилинган қарор ҳақида аризачига, ўзига нисбатан масала кўриб чиқилган Комбинат ходимларига, Кузатув кенгашига ҳамда Комплаенс-назорат хизматига ёзма равишда маълум қилади.

Қўмитанинг тегишли қарор лойиҳаси Кузатув кенгашига кўриб чиқиши учун киритилганда, унга қисқа тушунтириш хати ва бошқа зарур материаллар ҳам илова қилинади.

27. Қўмита қарори устидан Кузатув кенгашига шикоят қилиш мумкин. Кузатув кенгаши Қўмита қарорини бекор қилишга ҳамда ўз ваколати доирасида бошқа қарор қабул қилишга ҳақли.

28. Комбинат ходимлари томонидан Қўмитанинг мажлиси жараёнида “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатлар қоида ва талабларининг бузилишига йўл қўйилган тақдирда, мажлисда раислик қилувчи Регламентга мувофиқ чоралар кўради, шунингдек Қўмитага Комбинат ходимлари томонидан коррупцияга қарши курашиш соҳасидаги бошқа ички норматив ҳужжатлар қоида ва талабларининг бузилганлиги масаласини кўриб чиқишни таклиф этишга ҳақли.

29. Мурожаат унинг ташаббускори томонидан Қўмита қарори қабул қилингунига қадар қайтариб олиниши мумкин.

30. Тарафларнинг ярашуви, етказилган зарар миқдорининг тўлиқ қопланганлиги, қонун ҳужжатлари қоидаларининг бузилиши ҳолатлари бартараф этилганлиги, “Олмалиқ КМК” АЖнинг коррупцияга қарши курашиш Сиёсати, Одоб-ахлоқ қоидалари, Манфаатлар тўқнашувини бошқариш, Контрагентларни текшириш ҳамда коррупцияга қарши курашиш соҳасидаги бошқа ички норматив ҳужжатларнинг қоида ва талаблари ижроси таъминланган ҳолатларда, Қўмита қарорига асосан ходим ўзига нисбатан таъсир чоралари қўлланилишидан озод этилиши мумкин.